

Referat de siur Robert Sottara: "Mia esperiënza tles misciuns" en lünesc, ai 18 de setëmbër dales 20:00 tl Salf manifestaziuns a La Val.

Le KWV de Badia organisëia:

1) **cursc de ingleje** a mët man dal 25 de setëmbër te biblioteca a Pedraces. Informaziuns y prenotaziuns pro Cristina al nr. 333/1591599.

2) **Curs de bal lisier en grup** por düc cun Giuvana Moling. Al mët man ai 25 de setëmbër te Ciasa Runcher y vá inant vigni lünesc dales 09:00 ales 10:30. Da se prenoté pro Veneranda al nr. 0471/839760.

3) **ultima gita a pe** en mercuri ai 20 de setëmbër da Oberwielenbach a Platten y marëna de concluiun tl restaurant Schönblick. Piun ia da Pedraces dales 08:30 y präibel prenotesse pro Iaco al nr. 0471/839772.

Le Raiun Sozial Val Badia organisëia por le **grup Atmosfera** na jita tl urt dl Felderhof a Uttenheim en jöbia 21.09.2017. An se incunta a Longega dales 13.00, al sará na cörta spazirada y spo vëgnel ciaré al urt Prenotaziuns anter le 19 de setëmbër te Raiun Sozial al 0474/524519. Düc é inviá, al é debann. Les incuntades dl grup Atmosfera vá inant por döt l'altonn y invern vigni terza jöbia dl mëis.

Domënia zënza auti tl Comun de Badia ai 24 de setëmbër


en ocasiun d'edema dla mobilité a nivel europeich, vëgnel invié i zitadins da jí a pe en chësta domënia, por sconé l'ambiënt y amiré les belëzes dla natöra. Al é ince na buna ocasiun por incunté compaejans y s'la cunté.

Curs "To corp y l'amur" por jogh y jones dai 11 ai 14 agn:

al mët man en sabeda ai 23 de setëmbër dales 09:00 te colonia a La Ila cun Michaela de Beyer. Chi che é interessá pó se scrí ite pro Renate Pescolliderungg: peter@doleda.it o al nr. 338/1300787.

La biblioteca Sas dla Crusc inviëia en sabeda, ai 23 de setëmbër dales 15:00 a La Ila scolars y scolares, che á tut pert al'aziun da d'isté, da gni ala festa de concluiun cun i clowns Merendina y Sälly (al sará ince la ola dla fortüna). Se aspetun!

De di Seniores: la Ciasa de Palsa Ojöp Frëinademetz inviëia düc ai 30 de setëmbër ala festa. Dales 15:30 sarál la S. Mëssa y dedô n domisdé de aurela cörta cun musiga, café y val' de duc. I s'aspetun tröc.



Plata dla Ploania

Badia

San Iaco - San Linert

Ploan: Siur Iaco Wendelin Willeit

Colonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz


UNITÉ PASTORALA



www.unitepastorala.org

Ann „A“ 17.09. - 24.09.2017 24^a Domënia dl ann n. 43

*Allora quel servo,
gettatosi a terra, lo
supplicava:
„ Abbi pazienza con
me e ti restituirò
ogni cosa “.*



Vangelo della prossima domenica - 25^a dell' Anno „A“

Mt. 20, 1-5, 8-16

In quel tempo, Gesù disse ai suoi discepoli questa parabola:

«Il regno dei cieli è simile a un padrone di casa che uscì all'alba per prendere a giornata lavoratori per la sua vigna. Si accordò con loro per un denaro al giorno e li mandò nella sua vigna. Uscito poi verso le nove del mattino, ne vide altri che stavano in piazza, disoccupati, e disse loro: "Andate anche voi nella vigna; quello che è giusto ve lo darò". Ed essi andarono. Uscì di nuovo verso mezzogiorno, verso le tre e le cinque, e fece altrettanto.

Quando fu sera, il padrone della vigna disse al suo fattore: "Chiama i lavoratori e dai loro la paga, incominciando dagli ultimi fino ai primi". Venuti quelli delle cinque del pomeriggio, ricevettero ciascuno un denaro. Quando arrivarono i primi, pensarono che avrebbero ricevuto di più. Ma anch'essi ricevettero ciascuno un denaro. Nel ritirarlo, però, mormoravano contro il padrone dicendo: "Questi ultimi hanno lavorato un'ora soltanto e li hai trattati come noi, che abbiamo sopportato il peso della giornata e il caldo".

Ma il padrone, rispondendo a uno di loro, disse: "Amico, io non ti faccio torto. Non hai forse concordato con me per un denaro? Prendi il tuo e vattene. Ma io voglio dare anche a quest'ultimo quanto a te: non posso fare delle mie cose quello che voglio? Oppure tu sei invidioso perché io sono buono?". Così gli ultimi saranno primi e i primi, ultimi».

FUNZIUNS SACRES


- 17.09. **24^a DOMËNIA dl ANN - A**
Aniversar dla Consacraziun dla dlijia – Segra de Badia
10.00 Mëssa por la Comunité
18.00 †tes Gusta y Agnes Pescollderungg
†ti da Fussé
vis y †ti de Lois y Annamarie Valentin
- 19.09. Mertesc – **S. Gennaro**
19.30 †to Erich Dapunt
†ta Anna Granruaz Pitscheider
†ta Angela Costa
- 20.09. Mercui - *Mëssa cun i scolars dla elementara*
07.30 †ta Vica Piccolruaz
†to Milio Valentini de Col d'Anvi
vis y †ti de Alfarëi
- 21.09. Jöbia – **S. Matteo apostul**
19.30 †to Gustl Costner (dala uniun di ëi)
vis y †ti Alfarei de Parüs
por i soferënc
- 22.09. Vëndres
07.30 †to Otto Clement
†to Paul Pedratscher
por les animes dl purgatore
- 23.09. Sabeda – **S. Pio da Pietrelcina**
14.00 Mëssa da noza de Roman Bernardi y Elena Valentin
16.00 Mëssa a Oies
- 24.09. **25^a DOMËNIA dl ANN - A**
10.00 Mëssa por la Comunité
18.00 †to Otto Pizzinini
†to Lois Irsara da Reslada
por les animes plö arbandonades

Dala VITA dla CÛRA

Recordun bel sëgn che de otober sarál:

la domënia, ai 8 FESTA cun NOSC VËSCO por la vijita pastorala
la domënia, ai 15 (y nia ai 8 sciöche preodü) domisdé la prozesciun cun
Chëlbeldí da La Crusc te paisc.

la domënia, ai 22 festa di iubilars da noza.



En sabeda, ai 16 de setëmber se á uní tl Sacramënt dl
MATRIMONE Zita Valentin cun Thomas Huber y a S. Berbora
da La Val Corinne Canins cun Pire Dejaco. La Comunité de
Badia ti aoda tröpa ligrëza y benedisciun de Dî sön so tru
deboriada.

Oferta: dër bel giulan dl'oferta de 338,33 €, che vá al "Bildungsarbeit am
Bischöflichen Institut" dl Vinzentinum.

Cantors: a nivel de valada vëgnel fat n curs por cantors y chi che oress mët
man chësc sorvisc. Al scomëncia ai 4 de otober a La Val y vá inant por 4
iadi. Prenotesse al nr. 0471/306246 o por mail a info@vksbozen.it

Pelegrinaie por vëdúi, vëdues y porsones sores: jun a Weissenstein en
jöbia, ai 28 de setëmber. Piun ia da Pedraces dales 07:30 y le iade cun
marëna y picera marëna costa 50 €. Prenotesse dan i 20 de setëmber pro
osta raprejentanta de paisc o al nr. 0474/590069.

Pelegrinaie a pe da Karerpass a Weissenstein: la uniun dles ëles de
Badia inviëia düc da gní en pelegrinaie la sabeda, ai 30 de setëmber. An
pëia ia da Pedraces dales 06:00 cun la coriera cina a Karerpass y dailó van
inant a pe. Prenotesse pro Lucia al nr. 338/6413588 (domisdé).

• An chir na porsona che dëida mët ite tl "sito" dl'Uniun Pastoral
informaziuns y manifestaziuns dla Cûra. •



En mertesc, ai 19.09.2017 complësc **Emma Irsara** de
Pescol te Ciasa de Palsa a S. Martin **81** agn, en mercui, ai
20.09.2017 **Paolo Tasser** de Sogherdëna **85** agn y en
vëndres, ai 22.09.2017 **Genoveffa Delueg Adang** da S.
Linert **83** agn. Le Senioreclub y düta la Comunité ti aoda
düt le bun, sanité y benedisciun de Dî.

Oies: les mësses da sëgn inant sará vigni de dales 16:00 (lünesc degüna).